



Pembesar-pemesar kaum musyrikin Quraisy sedang mengadakan suatu rapat-rapat di rumah ketua mereka, mengenai kemaraan bala tentera Muslimin menuju ke kota Mekah.

Suara: (Dari luar rumah itu kedengaran bunyi orang ramai mengucap takbir dengan suara yang keras dan lantang): *Allāhu akbar... Allāhu akbar... Allāhu akbar... nashara 'abdah... wa a'azza jundah... wa hazama al-ahzāba waḥdah... lā ilaha illā Allāh... wa lā na'budu illā iyyāh... mukhlisīna lahu al-dīn... wa law kariha al-kāfirūn!*

'Aliyā': (Berasa terharu mendengar suara takbir yang begitu bersemangat diucapkan oleh orang-orang Muslimin yang berhimpun di luar rumah itu; dia terus memegang bahu Ḍuḥā sambil membisikkan ke telinganya): "Jiwaku sungguh terharu mendengar suara takbir yang sebegitu hebat dan bersemangat yang diucapkan oleh orang-orang Islam itu, wahai Ḍuḥā!"

Ḍuḥā: (Memegang tangan 'Aliyā'. Kedua-duanya turut sama bergembira. Berdiri

di hadapan jendela sambil memperhatikan keadaan orang ramai sedang berbondong-bondong ke sana ke mari, masing-masing dengan air muka yang jernih kegembiraan. Mereka berdua turut sama bergembira. Suara takbir kian bergema mengelubungi alam kota suci Mekah yang sekecil itu: *(Allāhu akbar... Allāhu akbar... Allāhu akbar... lā ilaha illā Allāh... wallāhu akbar... Allāhu akbar kabīrā... wa al-ḥamdu lillāhi kathīrā... wa subḥāna Allāhi bukratan wa aṣīlā... lā ilaha illā Allāh... wallāhu akbar!)* (Mendengar suara takbir yang bergema di angkasa kota suci Mekah itu, maka Ḍuḥā pun keluar dengan perasaan yang penuh kegembiraan, sesungguhnya Rasulullah dan sekalian bala tentera Muslimin telah tiba memasuki kota suci Mekah di dalam keadaan aman dan tenteram).

'Aliyā': (Mengikuti Ḍuḥā dari belakang

### Tahukah tuan!



Pasukan jurutera bersenjata

Amerika telah berhasil melakukan satu penyelidikan, bahawa menyimpan minyak-minyak benzin untuk kapal terbang di kawasan kutub utara lebih terselamat dari bahaya kebakaran dan kecurian. Kerana kawasan tersebut berhawa dingin dan jauh dari manusia.



Takut adalah satu perasaan yang memang ada sedia di jiwa setiap makhluk Tuhan sama ada manusia atau-pun binatang.

Manusia kalau sedang dalam ketakutan seluruh badannya menggeletar, kaki tangannya sejuk dan mukanya kelihatan pucat tak berdarah.

Kuda kalau ia sedang ketakutan ia akan mengangkat kedua-dua belah kaki depannya, tetapi bersalahan dengan lembu kalau ia sedang dalam ketakutan ia akan mengangkat kedua-dua belah kaki belakangnya.

sambil berteriak-teriak menyuruh Ḍuḥā menunggu dan membawanya bersama-sama menyambut ketibaan Rasulullah (S.A.W) dan sekalian bala tentera Muslimin.

(Bersambung)